

宋詩鈔補

一
玉
八
冊
玉

玉楮集鈔

岳珂字霖之號倦翁彰德人霖子紹熙壬子甫十齡隨父帥廣開禧初爲鎮江釐幕庾吏乙丑試南宮不售歸官下與劉過辛棄疾相善時有北伐之役奉檄不獲辭遂浮漕河而北塗中所作詩題曰北征嘉定丁卯除守天長自樵李庚午召還中都尋坐誣去官嘉熙初特詔有爲卿直前枉之語除戶侍總饗庭中雙竹岐生時傳爲瑞應

歷寶謨閣直學士提舉太平興國宮以恩封鄴侯玉楮詩藁八卷自嘉熙戊戌至庚子凡三周歲所作手編而自序之後移家樵李金陀坊痛其祖武穆爲秦檜所陷

作籲天辨錄諸書總名金陀粹編

戊戌二月十日京湖袁總郎以堂帖至有詔復除戶侍總

饗

書長欵枕酣春臥。剝啄敲門驚夢破。雙旗健步衣正黃。爵羅駭見久未嘗。泥紫一封芹詔香。王人繭牘親遣將。老夫五年坐奇謗。身則漁樵志猶壯。豈無戀闕如子牟。強擬隨裝學張敞。浮雲滿空能蔽日。雲散天空日華出。千三百載春又春。杜陵久矣無斯人。黃衣走塵漫踈踈。縱了桴鼓何足云。姑言口口工負恩。堯天舜日定不爾。皎皎太空無點滓。當時下書便疑似。聊坐和歌焉。熱耳寧比三光覆。盆底金羈欲脫還。從頭絡頭齧草均。一牛吾身本是報恩具。千年萬年屬明主。感恩欲愬淚如雨。且願投讒畀豺虎。

五年不泚筆硯奉詔起家是日始草辭免奏旋假書吏於郡題寫皆生疎又堂帖趣行三日戒塗偶成

露封膽奏曉鳴鈴。當御應關乙夜呈。京兆有裝隨使者。陳留無酒憶廚兵。故營將鉞譚家世。老吏公車識姓名。塵事看看到書尺。更驚三日有王程。

黃鶴謠寄吳季謙侍郎時季謙自德安入城予適以使事

在鄂

廬山白鶴歸來雙。縞衣素袂玄爲裳。翅如車輪夜橫江。風聲曾走淮淝。羗戛然長鳴下柴桑。芝田啄粒遙相望。何人網羅倏高張。上決雲漢旁八荒。一隨鷗鵬驚遠翔。低頭不肯謀稻粱。一罹罟弋沮澤旁。局身筠籠翅摧藏。鸚鵡洲畔葭葦鄉。水雲蒼蒼江茫茫。九皋欲聞聲不揚。回顧鷗鷺羞顏行。忽聞緜笙度宮商。紅塵俯視有底忙。磯頭刷羽今正黃。欲搥此樓呼酒狂。

予以謬作數種并總所奏藁遺參贊高紫微聞以閱讀未

及賜報平日正病無人爲過目者茲不特餉所有別白
半生漫浪筆硯間爲不虛矣因贈二首

夜半軍書尙掣鈴。想應欹枕夢難成。新涼頗復欺長夏。舊事何
妨閱短檠。人說文衡真有託。公於詩卷若爲評。復襄遺跡今如
許。試考當年六萬兵。

涉筆牛腰倦不支。餘功那復到新詩。殷雷秧綠又期月。指日棗
紅能幾時。自古兵財無上策。於今社稷寄西陲。入郛及國均危
道。勿謂君侯不敢知。

拙婦吟

西風策策黃葉舞。茅檐三尺鳴秋雨。東家拙婦擁面唬。彊剔孤
燈訴愁窶。當年采桑陌上歸。嬉遊不管春蠶飢。千絲萬縷繭白
雪。便學紅女攀花枝。七十八事機織。暗鎖青閨人不識。二十

三十幽恨長。盧家古梁玉爲堂。四五十已老。唧唧鳴蜚欺。
獨臥尙隨姑嫂作笑暝。一生苦樂由它人。君不見。昨朝縣吏踏
門闌。杼軸已空。盆盎竭。鷄豚指。柵索飲。壺掀釜。叫噓婦拙起。
來迎門。陪笑面不似嬌羞。怕人見。今年歲事苦不登。且爲當家
聊一展。吏嚚不肯怒。且訶大兒門東窺飯籬。藁砧走藏姑。詈罵
造餅無麵。知如何。蹙金芙蓉戲雙鴛。繡牀一椅。曾萬錢。低頭長
歎。祇自憐。昔者何巧。今不然。吏噓已倦。里正醉。拭淚背人還滌
器。明朝欲酒姑。勿譁。正恐突隳驚阿家。

春波堂小飲懷棠湖舊隱

平生到處西湖長。眼底波光日月新。圖在輞川非舊隱。夢回笠
澤是前身。一江細雨敲青菊。萬里雄風起白蘋。獨立蒼茫動歸
興。釣磯須理未垂綸。

炎暑今年特地奇。不妨湖上訪清漪。長隄步履誰堪擬。高閣憑欄我總宜。喚客黃鸝穿柳度。猜人白鳥映荷窺。衰翁病骨難禁熱。且倩西風自在吹。

約客春波督參劉郎中方赴高紫微之集道閒相值不容

留戲贈二首

春波堂上倚闌干。一曲樓臺晻靄閒。野衲再尋行腳債。釣蓑聊寄賞心閑。燕低欲舞影翻水。鳥倦知還雲在山。匹似棠湖儘堪住。遶檐祇欠翠螺鬟。

錦帳星郎油壁車。紫薇花下醉流霞。簫鸞東引瞻風馭。池鳳西遊賦日華。蓼岸半紅秋漸老。柳隄仍綠約猶賒。一尊更趁萊衣綵。河漢還乘八月槎。

與高紫微雪溪餞客雖已豫盟然坐次予每居上爲之踧

踏寄此見意

碧梧正耐雪。溪秋况是西風送客舟。華宴雖思奉婪尾。麤官何敢作鼇頭。達尊諒識詩囊意。負約仍輸酒斛籌。想見尊前列紅袖。可憐無分聽梁州。

秋夕有感二首呈督視參政

湯湯南紀重喉衿。縱敵年來患已深。七十萬家財與力。六千里地古猶今。薇屯正自憂無給。桑土當思徹未陰。用力愈勞工愈寡。相公試察此時心。

老去工夫在一邱。解驂重使借前籌。憂關王國漫騰口。事爲它人常壓頭。蟻穴潰隄猶未計。鮒車涸轍若爲謀。恩波况是如天闊。蚤放棠湖理釣鈎。

九江霜蟹比他處。黑膏凝溢名冠食。譜久擬遺高紫微。而

家僮後期未至以詩道意不到廬山孤負目不喫螃蟹

孤負腹昔人句也

君不見東來海蟹誇江陰。肌如白玉黃如金。又不見西來湖蟹到沔鄂。玉軟金流不堪斫。九江九月秋風高。霜前突兀瞻兩螯。昆吾欲割不受刀。頗有萋碧流玄膏。平生尊前厭此味。更看匡廬拂空翠。今年此曹殊未來。使我對酒空悠哉。舊傳騷人鍊奇句。無蟹無山兩孤負。老來政欠兩眼青。那復前籌虛借箸。祇今鄉國已駿奔。軍將日高應打門。流涎便作麴車夢。半席又擬鍾山分。先生家住岷峨腳。屢放清遊仍大嚼。襟期盡醉何日同。試筮太元呼郭索。

以螃蟹寄高紫微踐約侑以雪醅時猶在黃岡

前朝無蟹惟有詩。亦復無酒供一甌。今朝有蟹仍有酒。極目征

帆更搔首。古來樂事誇持螯。赤瓊釀髓。玄玉膏。菊花吹英好時節。況是九日將登高。旌旗半江。笳鼓發。不作詩人澹生活。得君淨洗沙漠塵。歸趁看燈更奇絕。

蟹至正月重出俗謂之看燈蟹

聞韓正倫檢正挂冠感歎故交悵然久之偶成

恩門小簡寫門生。六載交情老弟兄。一念吹毛牙角訟。十年握手肺肝傾。酌貪誰飲南濡水。敵怨人譚北府兵。空券更憐蠅筆誤。卻因誤處得分明。

正倫向在京口每折簡必以恩門見稱予爲漕時嘗舉之

至鄂期年以饗事不給於詩。己亥夏五廿有八日始解維。

雪錦夜宿興唐寺。繁星滿天四鼓遂行。日初上已抵潯。

黃洲幾百里矣。午後南風薄岸舟屹不能移。延緣葭葦。

閒至暮不得去。始作紀事十解呈舊幕諸公。

雪錦亭前水接天。晚波如轂放歸船。新詩開務從今日。此是江

行第一篇

離歌已盡沙頭玉。夕照初翻浪底金。自是晴鷗無六月。半江雪片湧波心。

蕭蕭衰髮倚西風。兩岸青山盡識儂。東去西來緣底事。祇應添得一龍鍾。

一江漲碧碧於藍。健艣鳴鵝舳正銜。纔似過都空萬馬。又驚倚岸閱千帆。

宵聲傳柝重城閉。曉漏迷鍾古寺荒。仰看繁星垂四野。不知身世變炎涼。

一餅一錫一團蒲。到得今年一物無。桑下勿興三宿念。古人不食武昌魚。

葭葦延緣舞翠旌。白頭吹浪又相迎。攀轅亦作留行計。莫道馮

夷不世情

昌黎久願列三王。我亦曾親翰墨香。惜別依依重回首。棠磯風月更思量。

赤壁江頭白羽揮。鰲肥西塞酒同攜。歸期應在初弦月。家住康山西復西。

人生邂逅適相懽。一曲高歌行路難。頻寄詩笳君勿厭。種花持釣是閒官。

夜過壽昌

風雲八字護城隅。樓殿崔嵬想帝居。曾侍金輿惟石馬。幸因玉璽記銅魚。千年鼓角聲猶壯。四塞河山恨未祛。麋鹿已遊人事改。何人曾讀輔吳書。

望樊口懷陶士行

昔年老子恨婆娑。未付其如印傳何。吳苑關心春日少，湘江回首暮雲多。可無司馬親封鑰，自是將軍老枕戈。我亦新來了官事，正輸一舸弄煙波。

三江口過舟時方四鼓

權鷁收金柅，釵蟲綴玉缸。地鄰今七澤，名襲古三江。岷漾雖分派，荆揚卻異邦。晨光猶未發，蚤認白鷗雙。

寄王料院

錄

炯炯青燈對擁爐，掣鈴夜半讀邊書。風煙解使寸心折，霜雪頓侵雙鬢疎。已事勿言穿塞馬，歷官可歎上竿魚。勤勞似此天應報，我口鉏犁一任渠。

一葉扁舟興浩然，筆牀茶竈舊因緣。帆歸西塞秋風外，人在南樓夜月前。情不自由君憶我，老無所用我知天。何時見易園中

路拂石攜壺同醉眠

初還故居

元是廬山莫逆交。宮亭西畔著衡茅。盟鷗似怯經新浪。怨鶴還知宿故巢。一沼種蓮衣可製。萬竿脫籜杖輕敲。不須海若猶然笑。乞與杯堂樂芥坳。

集喜二首

鵲噪庭前木。蛛翻檐畔圍。雙蓮瑞明月。萬柳舞晴暉。宿鶴迎風袂。盟鷗認雪衣。物情同一喜。應爲主人歸。

水面開新皺。山容散宿顰。松巢猿已識。花徑鹿初馴。雲倦隨歸鳥。風清似故人。逢迎真不暇。誰作近前曛。

病中有感四首

欹枕目雙炯。觸屏腸九回。玉蟲迷眩霧。銀鹿伴飢雷。清夢雖驚

隔丹心未粹。灰青萍聊把玩。塵匣爲誰開。
一載爲官憂。文書每壓頭。枕鈴常警夜。築甬更驚秋。倦豈因心
至。閑常與病謀。息肩僅旬耳。二豎欲何求。
秋近夜初長。開窗病骨涼。心驚嫠婦歎。肘繫越人方。動帳風侵
几。窺檐月在牀。呼僮然粥鼎。我欲待晨光。
積病漸成衰。情知老見欺。眵昏先掩卷。肩竦不關詩。行圃須人
助。登樓怯步遲。經年蚤知倦。况復隔年時。

太行道

太行羊腸坂九折。雲黑風乾尺深雪。堇泥道滑木葉寒。轆轤車
聲行復歇。華山有馬久脫轅。歸來牧野經幾年。一從倉箱事居
積。聊以知道煩。長鞭前車已覆覆。道左天井關頭夜明火。後車
趣駕開井陘。唱籌仍復催連營。關山青草春二月。單軌一冬曾

結轍鬢頰毛落雙膊高。引領皮穿眼流血。去年搏手雙拳空。今年三月甬道同。可憐鴛力不敢惜。轅下亦覺鹽車通。君恩天大示弗服。兆野已甘偕穀鯨。感恩伏櫪飽秣芻。猶爲太行憂後車。

長門怨

驚風不成雨。行雲去無踪。妾生三十年。著籍長門宮。宮車轆轤。春雷曉明星。初熒綠雲擾。增成丙舍爭。迎鑿惟有長門閉。花鳥黃門開玉匙。畫史圖蛾眉。金鋪振瓊鑰。玉秀生銅池。朝陽纔回。金屋在轉眄。不堪人事改。入宮已作鄭。襄嘯出塞那。知延壽賣花殘。鳥語頻。長門春復春。花鳥易驚老。况復門內人。東風動地夜來惡。萬翠千紅繞簾幙。當熊自有匪石心。肯顧班姬秋扇薄。長門勿輕怨。視此篋中扇。白華兮綠衣。自古兮有之。

病中散步四絕

一年無病緣官事。一病兼旬爲燕居。自是素餐天所厭。可能豎子解乘除。

朝隨粥鼎蟬腹潤。夜掩書帷鰥目眠。無奈暑威侵病骨。起來搔首斗垂天。

平頭奴子初茸鹿。利口嗇夫雙部蛙。二物何關人靜躁。不妨臥聽步隨車。

絕憐倦翼晚風高。解紲歸來得故巢。物態隨人也歡喜。遊絲不住舞蠨蛸。

荷花盛開以病旬餘至亭上偶成二唐律

病襟慵策杖。天鏡恰開奩。青蓋迷前浦。紅妝閒曲欄。藻窺知露下。萍破識魚潛。會看吳公陣。官蛙奏曉嚴。

好在中孚澤。猶橫未濟舟。擲金隨柳舞。跳玉趁蓮謳。埽榻方思